



U2xU4 Pilgramgasse: Usluga vožnje za putnike sa ograničenom mobilnosti

Wiener Linien poseban značaj daje uklanjanju prepreka. Zato se pazi da više od 1.100 tramvajskih i autobusnih stanica kao i 109 stanica podzemne željeznice budu pristupačne bez prepreka, a tako i u pogledu nabave novih vozila - na primjer Flexity tramvaj ili nova generacija vagona podzemne željeznice X-Wagen.

Sa izgradnjom križanja linija U2xU5 preduzeće Wiener Linien je nalogodavac aktuelno najvećeg unutargradskog gradilišta gradskog prijevoza u Austriji. Da bi ubuduće mogli dodatno ekološki transportovati do 300 miliona putnika godišnje, potrebno je obaviti različite radove na drugim stanicama podzemne željeznice.

Jedna od njih je i stanica U4 Pilgramgasse. Ispod postojeće stanice nastaje do 2027. nova U2 stanica. Lokalne građevinske mjere su enormne. Da bi se tokom ovog perioda osiguralo nesmetano kretanje u okruženju stanice, firma Wiener Linien je zajedno sa odvjetništvom za pitanja jednakopravnosti za ljude sa invaliditetom razmatrala dodatnu ponudu.

Od 15. aprila će osobama sa ograničenom mobilnosti kao i njihovim pratiocima koji su upisani u iskaznicu za hendikepirane osobe na raspolaganju biti besplatna usluga vožnje. Mali autobus firme Wiener Lokalbahnen Verkehrsdienste prevoziće putnike sedam dana u sedmici tokom radnog vremena U4. Osobe koje koriste ovu uslugu mogu da bez dodatnog presjedanja udobno i bez prepreka dođu od A do B.

"Firma Wiener Linien još jednom dokazuje da nepostojanje prepreka nije samo parola. Sa uslugom vožnje sada se stvara dodatna mogućnost kretanja za ljude sa ograničenom mobilnosti u okruženju stanice podzemne željeznice Pilgramgasse," radosno poručuje Hans-Jürgen Groß, povjerenik koncerna za uklanjanje prepreka u Wiener Stadtwerke.

Prijava vožnje treba uslijediti dan ranije putem e-maila na wlv.dispo@wlb.at ili telefonski na 01/815 60 70. Kod narudžbe isti dan mora da se računa sa vremenom čekanja dužim od 30 minuta. U ovom vozilu također važi aktuelno važeća obaveza nošenja maske FFP2 zajedno sa njenim izuzecima.

Preduslovi za korištenje usluge vožnje su:

- Važeći tiket za centralnu zonu 100: potpis u vozilu učiniti kao potvrdu vožnje. Tiket se zatim može ponovo koristiti.
- Mjesto polaska i/ili dolaska moraju da budu u utvrđenom području oko stanice podzemne željeznice Pilgramgasse (vidi kartu)
- Vožnja mora da bude od Pilgramgasse u pravcu Heiligenstadt odnosno dolazeći iz Hütteldorfa u pravcu Pilgramgasse.